

清·方略館 編

清代 方略 全書

北京圖書館出版社



清·慶桂等撰

欽定剿平三省邪匪方略

正編卷八二——九一

清嘉慶十五年（一八一〇）武英殿刻本

欽定剿平三省邪匪方略正編卷八十二

戊午年

十月十九日

巳酉

勒保奏言冷添祿一股賊匪經

臣

設法誘擊殲斃多人該匪等自知無路竄逃

守禦益固

臣

督率將士於二十三及二十六

等日分路進攻而賊匪據卡嚴防一見官兵上

至陡險處所卽鳴鑼集衆鎗石並發兵勇節有

損傷令人實深髮指

臣

於各兵勇內復挑選叛

援趨捷之人作爲前隊先撲賊卡令後隊兵勇
各執攔牌稍避鎗石以期乘勢並進二十八日
四更酌派觀成百祥富爾賽穆克登阿帶兵三
路直抵賊卡下各兵勇扳開鹿角鼓勇爭先並
有躍過壕溝與賊攪殺一處者後隊官兵卽用
攔牌遮護跟蹤而上撲開賊卡四處殲斃執旗
賊目二名殺賊無數維時賊衆捨命相持飛石

如雨遊擊張良槐都司劉成玉守備王榮等次第帶傷並不退怯仍督兵力撲惟賊巢上下坡坎層疊未能深入直至申酉之交遂將官兵暫劄正擬次日併力進攻適據後路探報有賊匪一股擾至溫湯井地方勢頗猖獗正在專差確探復接明亮來信知係張漢潮一股賊匪自兩河口等處剿敗後晝夜奔逃由太平通江邊界

直至開縣譚家壩溫湯井一帶路通奉節大寧
可以竄回楚北且距此間軍營後路甚近而中
間貓兒寨地方本有蘭芽場餘匪一股在彼屯
紮此起賊匪自首逆洪道人就擒之後其牟登
元一犯有稱已被官兵殲斃者有稱逃入別股
者所有剿剩匪黨六七百人於東鄉邊界往來
遊奕因各路團勇屢次殲擊無路遠颺復竄至

貓兒寨經

臣

派令叅將褚大榮胡尙賢帶兵圍

困正期全數殲除茲乃值張漢潮股匪衝突而
來設一經勾結不但於後路大有關係且令添
祿等本有等候同教接應之說更不可不設法

隄防

臣

得信後卽飛飭大寧奉節巫山各屬星

夜圍集鄉勇扼要堵禦並於各營卡內密抽官
兵二千餘名馳赴窄口子地方相機截擊又添

派兵勇交褚大榮等帶領以防匪黨衝合詎張
漢潮匪衆分起狂奔甫至蝦巴口距貓兒寨二
十餘里因探知有官兵在彼截堵卽折竄東壩
溪經兵勇擒獲探馬鄢朝相等三名解營訊據
供稱張漢潮由太平一路分起前來其頭起賊
匪已先由尖山壩向東逃竄後起賊匪均由東
壩溪傳家壩陸續行走因雲陽地方現有大兵

駐劄不敢停留等語

臣

查此刻令添祿一股賊

匪圍困嚴密與張漢潮聲息未通自不致彼此

勾合惟夔府所屬本來守禦空虛今賊匪旣接

續東竄又復一面知會明亮興肇督率兵力務

期倍道兼馳緊躡追捕一面知會景安高杞於

湖北邊界一律嚴防所有

臣

處抽撤官兵卽令

由沙沱子等處偵探賊蹤相機協剿

臣

亦移兵

江口以壯聲援其祖師觀周圍營卡暫行照常
防範另圖進取惟當攻圍喫緊之際復因此分
兵牽綴下忱焦灼實屬悚懼靡寧

勒保又奏言查王光祖林亮功等股賊匪前從

江北分竄合州隣水一帶經臣嚴飭劉君輔富

森布趕緊帶兵攻剿並飛飭各地方官分投堵
禦嗣據各路稟報該匪等由合州隣水兩路滋

擾岳池縣屬大溪口該處爲順慶府通判分駐
地方署通判周履謙帶領鄉勇馳赴梅子壩扼
要堵截賊匪復分股從水田壩小路繞至大溪
口塲後該署通判家丁童易攜帶關防前赴梅
子壩報信正值賊匪竄入童易被戕關防亦卽
遺失周履謙當卽帶領鄉勇馳回始將賊匪剿
散岳池縣知縣朱泰茹亦帶領團勇從走馬嶺

一路援應而至斃賊三百餘名匪衆仍折竄隣
水地方維時劉君輔帶兵趕到與該縣知縣鍾
人傑併力馳擊復斃賊二百餘人追至廣安地
界又經該州知州阮和吏目樓在齊等率領鄉
勇於三溪口抒路坎一帶分投邀擊所有林亮
功一股剿散之後賊目包正洪卽向渠縣之永
興場等處竄去現經達州各屬團勇分投堵截

殲斃極多其大夥匪衆仍由岳池黎梓衛竄至
合州楊家崖正遇富森布督兵迎截該匪等無
不捨命相持富森布帶同叅將姜敏功遊擊楊
國林都司司國屏等分路奮擊連次接仗於涓
子溪小沔溪雙鶴寺等處鎗斃執旗賊目二名
賊匪百餘名及二三百名不等賊衆又翻山從
草街子向江北廳屬東陽鎮一帶奔逃

臣查王

光祖等股賊匪現復折入江北邊境設令偷渡
過江窺伺重慶所關匪細當卽飛飭該地方文
武將船隻全數撤赴南岸實力堵防並嚴飭劉
君輔富森布速由合州廣安兩路進兵夾擊以
期立就殲除至羅其清冉文儁徐添德等節經
惠齡恒瑞德楞泰富成等督兵攻剿復又分竄
營山縣太鵬山並達州所屬火盆山一帶而額

勒登保所剿廣元一路餘匪亦向儀隴一路潰
逃察看大局自不致再行北竄至此次富森布
一路叅將姜敏功因衝撲賊隊受傷陣亡守備
劉興國千總王九錫均經受傷

同日景安奏言臣於十月初九等日連接各路

探報張漢潮一股賊匪又復竄至川省大寧縣
龍溪河等處漸近楚境臣查大寧北界房竹南

通巴歸二竹地方早經臣籌佈兵勇派令鎮臣

路超吉率同將備嚴密防堵惟房縣距大寧最

近該縣九道梁等處尤爲險峻臣亦預派副將

樊雄楚等帶領兵勇扼要設卡臣現復帶兵前

來房縣居中策應督率嚴防倘賊匪竟敢前來

窺伺臣卽帶兵迎頭截剿後有明亮追躡前有

臣兵堵截兩路夾擊定可得手若賊探知北路

防備嚴密不敢竄越自必由川境之巫山南窺
巴歸彼處亦早經臣派鎮臣王凱前往並派兵
三千餘名團練健勇五千餘人擇要設卡撫臣
高杞復經前往會同該鎮嚴防萬無可虞均奏
入

上命軍機大臣傳諭勒保惠齡景安明亮高杞曰冷
添祿一股久經官兵圍困勒保帶領多兵並不能